

# Myutu'ukpə Nəky Di'ibə Paablə Tyuknigajx Ja Timotee

**1** <sup>1</sup> ʔj Paablə, Jesukristə 'yapóstulə, es kéxyuts nmiñ mə Dios yə nYajnutsokpə'ajtəm esə Nindsən'ajtəm Jesukristə, di'ibə ndukjotkujk'ajtəm, <sup>2</sup>nduknigejxypyuts mijə tyadə neky, Timotee. Du'anəts mij njawə éxtəmdsə n'u'unk, ja'a ko əjts mij tə ndukməbeky ja Kristə. Wa'an ja Dios Teety esə Nindsən'ajtəm Jesukristə mguni'xyuty es mmo'oyuty ja pa'ayo'on esə agujk'ajt jotkujk'ajtən.

## Kyaj yajkupəkət ja əxpəkən di'ibə kyaj tyəy'ajtənuty

<sup>3</sup>Kom tə nduknipeky kots oj nnejxy Masedoñə ñəəxóty, wə'am Éfesə kajpnóty es xy'anəmədu tadə ja'əyuty es kədiibə ya'əxpəkət di'ibə kyaj tyəy'ajtənuty, <sup>4</sup>es anəmədu ko kyaj tməjpejta'əgət ja 'yaptujkə madya'aky esə wiinkpə jekymyadya'aky, mət ko təkəyə tyəadə je'eyə dyajtuğóy ja tiempə es kyaj xytyu'unxəm ni madsoo, es ni xykyapudəjkəm es ngyudyu'unəm mət ja məbujkən di'ibə ja Dios tə xytyuknipəjkəm.

<sup>5</sup>Ja'əgyəjxmə tyadə ana'amən es nixim niyam nnaydsyojkəm mət ja wə'əts əə wə'əts jot es məət ja təy'ajtənbə məbujkən. <sup>6</sup>Naəgaty tə tmədu'udəgóydyə tyadə əxpəkən es tə ñəygyəyákyuty mət ja nanəgoobə kajxy madya'aky. <sup>7</sup>Byeen jyatuk'əxpəkə'andə ja Diosə 'yana'amən, per ni tkajəgyúkadə di'ibə myadyáktəp es ni di'ibə tuk'əxpəkəjtəp éxtəmxəp jyatəy'ajtənməudaty.

<sup>8</sup>Nnija'am ko oyə tadə ana'amən ko nyajtu'unəm éxtəm pyaadyuty. <sup>9</sup>Nnija'am nandə'ən ko ni tu'ugə ana'amən kyəajpejta'aky mət ja di'ibə tyuundəp ja oybyə. Tadə ana'amən ja'a du'ən mət ja di'ibə niye'epy yujk'ye'epy, di'ibə kyaj 'yəygyupeky kyəjxykyupéky, di'ibə axək ja'əyuty, di'ibə pojpe ja'əyuty, di'ibə kyəjpe Dios tməj'íxy, di'ibə kyaj ttuñə kwentə Diosə 'yəxpəkən, di'ibə yajja'əy'o'ktəp, es extə di'ibə ya'o'ktəp ja tyəək tyeedyuty, <sup>10</sup>di'ibə mə'induundəp, di'ibə yedyujkəty tyuundəp tsoydyu'un məətrə ak yə'əjaty, di'ibə tyo'ktəp ja ja'əy, di'ibə andáktəp, di'ibə Dios tyukkəjpejtypy mət ja andakəngyəjxm, es di'ibə oytyiity wiink tyiimpy kədiinəm éxtəm ja təy'ajtənbə əxpəkən. <sup>11</sup>Ja'a n'andijpyuts ja oybyə ayuk di'ibə məj'ajtən məətrə esə Diosə kuni'xyppy xytyuknipəjkəts es ngəjxwə'xudəts.

## Paablə Dios tja'əgyəudə'aky ko pya'əyóyuty

<sup>12</sup>Nja'əgyədákypyuts ja Nindsən'ajtəm Jesukristə mət kots tə xymyo'oy ja madakən mədədsə nduunk, es mət kots tə xywyin'ixy es tə

xytyujta'agyats es ndúnudats ja tyuunk, <sup>13</sup>es du'unats ta xytyuknipeky óyats uj jawyíñup ngamuj'ijxy mududsu n'ayuk, es óyats oj njajuna'añ tsaatsykyubéty mut yu'u, es nbajudijtyats ja jya'ay. Peru Dios myudajt ja pa'ayo'on mut uj, ja'a ko kyajnumdsu naty nmubeky ja Jesukristu es kyajtsu naty nnijawu tiidsu du'un ndiimpy. <sup>14</sup>Paaty ja Nindsun'ajtumá myay'ajtan oy jyantsy myújuty mut uj, ti'igyu mut ja mubujkun es ja tsojkan di'ibu nandu'un nmudajtam mut ko n'ijtam ti'igyu mada Jesukristu.

<sup>15</sup>Byeen tyuy'ajtanaty, es nidugekyu tmubúktut, ko Jesukristu myiñ naxwiiñ es dyajnitso'oga'añ ja pojpu ja'ayaty, es ma du'ambu pyekyjya'ayaty nik ni'igu axuuk uj. <sup>16</sup>Per paadyu Dios tmudajty ja pa'ayo'on mut uj, esu Jesukristu dya'ixudut ja mya'xtujkun muj wiin ma uj. Es du'unats xyajtúñats éxtuma di'ibu ni'igu tmudaty ja pyojpu, éxtuma ijxajtan mut ja di'ibaty óknuma naty myubukándap yu'u, es tja'a'áttut ja jiky'ajtanu winu xuu winu tiempu. <sup>17</sup>N'awdajtam ja Dios, rey winu xuu winu tiempu, di'ibu myudajtypy ja windsu'kun esu muj'ajtan, yu'u tu'uk Dios'ajtp, di'ibu kyaj ya'ixy es di'ibu nina'a kya'eeky. Wa'an du'unaty.

<sup>18</sup>U'unk Timotee, di'ibu tyaadu nduknipejkypy, ti'igyu yu'u éxtam ja mugu'uk mnimaydyákudu ja Diosu jya'a jawyíñup. Paaty mut yu'u mbaat amumdu'uk jot xy'aktimmudúñ ja Dios nu'unu mmujaa. <sup>19</sup>Mudat du'ñum ja mubujkun amumdu'uk jot es mudat ja mjot mwinma'añ wa'ats. Naagaty kyaj tpujktujkudu ko ja Dios jyawinma'añmyo'oya'anudu. Paaty ñayyajwinma'añdyugoooyada es tmastuttu ja mubujkun ma Kristu. <sup>20</sup>Du'un jyajttu ja Imeneeu esu Alejandra. Paaty es tnijáwudut jatuk xuu es kyaj tmu'udugoy tmugajxtugóyut ja Dios, ndukkudajkuts ja mujku'ugópk Satanás.

### Paablú ttuknipeky ja Timotee es kyajxta'agut

**2** <sup>1</sup>Tim jujp'am nmunu'xtáktup esu ja'ay tni'amdówudut, tni'gajxtaagudut nidugekyu ja'ayaty, es tja'aygyuda'aktut ja Dios ja'agyujxmuty, <sup>2</sup>nidugekyu réyaty es nidugekyu justísaty, es du'un mbaat njiky'ajtam yajxon es ni pún muut ngatsiptu'unum, es ndu'unum ja oybyu es njiky'ajtam éxtam ja Dios tteky. <sup>3</sup>Tyaadu du'un oy, es yu'u du'un 'yoyjya'ap ja Dios yu nYajnitso'ogudut, <sup>4</sup>pes yu'u tseyjpy es nidugekyu yajnitso'ogudut es nandu'un tjaygyúkudut di'ibu dan tay'ajtan. <sup>5</sup>Ja'a ko ta ti'igyu je'eyu Dios, es nan ti'igyu je'eyu di'ibu udsajtam xykyudunaabyu'ajtam ma Dios, yu ja'ay Jesukristu, <sup>6</sup>ñayyajku ma 'ye'ky, es du'un tkubejty tkumudooy ja ñitsokun nidugekyu naxwíñudu ja'ayaty. Esu tyaadu jaya'ijx ma ja tiempu yajtuknibujtáku. <sup>7</sup>Mudu tyaadats uj oj nyajpujta'aky ja Diosu 'yayuk kajxwa'xpu esu apóstulu, es ndukni'ixuduts ja tay'ajtan es ja mubujkun mut ja di'ibu kyaj 'yisraelítaty. Tay'ajtanats njuna'añ, kyajts n'anda'aky.

<sup>8</sup>Ndsejpyats esu ja'ay otyim maaty kyajxta'aktut, dyajpudu'aktut ja kyuhajaty mut ja wa'ats aa wa'ats jot, kyaj ñayyajjot'ambúkudut es kyaj tsiyptúnut nixim niyam. <sup>9</sup>Esu toxytyujk ñaywyítudut yajxon aduyu, es kyaj ñayñiwook ñaygyuxwoogudut es ñayyajmujpudsúmudut, es ni je'eyu kyanayya'oydyúkudut mut ja ooru o perlu, es ni mut ja wyitu tsooxutyppy. <sup>10</sup>Wa'an ttundu ja oybyu tuunk di'ibu pákup ttúndut nidugekyu

toxytyujkuty di'ibu myuduundap ja Dios. <sup>11</sup>Wa'an ya toxytyujkuty amoñu es yuunk naxypy tmudoo'ity ja wuj kajxwijn. <sup>12</sup>Kyajts uj nyajkutíky es ja toxytyujk ya'uxpákut o ja yedyujk t'ana'amut. Wa'an amoñu t'amudoonáxy, <sup>13</sup>mut ko Dios dyajkojy jawyiin ja Adán es óknamu Eevu. <sup>14</sup>Yu Adán kyaj oj yajwin'uuñ, ja'a du'an ja ñudo'oxy di'ibu yajwin'u'an, es ko oj yajwin'uuñ, net oj pyekyky'a'y. <sup>15</sup>Per ja toxytyujk jyotkujk'áttut ko tpadundu ja u'unktaak'ajtun, ko tmudattu ja mubujkun, es ko tpadundu yajxon mut ja tsojkan, ja wa'ats'ajtun es ja tuda'aky'ajtun.

### Wi'ix tyúndut ja mubujkputujku kywentu'ajtputy

**3** <sup>1</sup>Tay'ajtun'u tyadu ayuk: Pun ja pún ttseky es tyúnut ja mubujkputujk kwentu'ajtpu, oya tadu tuunk di'ibu tsyejpy. <sup>2</sup>Di'ibu kwentu'ajtp ma mubujkputujk ñaymyúkudu, jiky'átup wa'ats es éxtum kyaj mbaat yajpekmyo'oy, di'ibu myudajtypy ti'igyu ñudo'oxy, di'ibu jiky'ajtp tuda'aky es ñay'aguwítsuty, di'ibu naymyay'ajt naywyindsu'kup, di'ibu oyña'ajuty 'yaxájup ja ja'ay yajxon ma ja tyujk, di'ibu mbaat ya'uxpeky, <sup>3</sup>di'ibu kyaj myu'iiky, di'ibu kyaj tsyiptujkuty, di'ibu oyjya'ay, di'ibu tuda'aky amumdu'uk jot, di'ibu kyaj myeeñ'ooguty, <sup>4</sup>di'ibu yajxon ana'amp ma tyujk es du'an tmo'oyut ja ijpajtun 'yu'unk 'yuna'k es myumadówdut es wyindsu'ugudut; <sup>5</sup>pes pun tu'uk kyaj tjaty 'yana'amut ma ya kyu'umdujk, ¿wi'ix mbaat tkwentu'aty ja myumubujkputy ma ñaymyúkudu? <sup>6</sup>Kyaj tyúnut mubujkputujk kwentu'ajtpu di'ibu naamnum tmumubujktsoon ja Dios, mut kooxyup du'ambu tsojk najx ñapudsemy muj kujxm es tsojk najx ñajaty éxtum ja mujku'ugópk oj yajkajxpéky. <sup>7</sup>Nandu'un koonum tsyékyuty es ñaywyindsu'ugudut ma ya di'ibu kyaj yu'adyu Diosu myuduumba, kadiibu pún kyawindsu'ugudut es ja mujku'ugópk yajpekky'a'adut.

### Wi'ix tyúndut di'ibu pyudujkudap ja mubujkputujku kywentu'ajtputy

<sup>8</sup>Es nandu'un di'ibáty pyudujkudap ja mubujkputujku kywentu'ajtputy, ya'u di'ibu naymyay'ajt naywyindsu'kup, di'ibu kyaj kyo'oy'áy kyo'oygyajxy, di'ibu kyaj myu'iiky myami'igyuty, di'ibu kyaj myeeñ'ooguty. <sup>9</sup>Nandu'un koonum tsyékyuty es tmu'oktáwut ja tay'ajtun di'ibu Dios tu dya'íxyuty di'ibu nmubujkum, es myudátut wa'ats ja jyot wyinma'añ, <sup>10</sup>es jawyiin ya'ijxmátsy; es pun kyaj tmudaty ja pyeky, wa'an ttuñ ma ja mubujkputujk ñaymyúkudu. <sup>11</sup>Es nandu'un koonum ja ñudo'oxyuty ñaymyay'át ñaywyindsu'ugudu, kyaj 'yabi'ts'áttut, es uyyupuk kyajxykyupáktut. <sup>12</sup>Pes tu'uk di'ibu pyudujkup ja mubujkputujku kywentu'ajtpu, ya'u túnup di'ibu myudajtypy tu'uk je'eyu ñudo'oxy es di'ibu jyajtypy t'ana'amut ja 'yu'unk 'yuna'k ma ya jyun tyujk. <sup>13</sup>Mut ko ya pudujkubuty di'ibu yajxon tuundap, pátdap tu'uga windsu'kun es du'an amumdu'uk jot tmadya'aktut ja mubujkun di'ibu myudajtypy ma Jesukristu.

### Wi'ixu Dios dya'íxyuty ja tay'ajtun

<sup>14</sup>Tim tsojk najx ngu'ixa'andu, per tyam nduknigaxtu ma tyadu neky jaaybyéty, <sup>15</sup>es pun akwu'umapts, mnijáwup wi'ix mnayya'ítyuty ma Diosu jya'ayuty, pánuty myubujktup ja Diosu jiikypyu es dya'ittu ja tay'ajtun. Es

ja tɔy'ajtɔn, dɔ'ɔn yɔ'u ɛxtɔm tu'ugu pilaar di'ibɔ pyattɔnaapy ja tɔjkn'i'x, es nandɔ'ɔn ɛxtɔm mɔ tsonda'aky ja tɔjk. <sup>16</sup>Tɔy'ajtɔnɔ'u ko ni'igɔ mɔj ja Diosɔ jya'a di'ibɔ ijty kyaj yajnijáwɔ:

Miin jajt ja Kristu mɔdɔ ja'ayɔ nini'x,  
ya'ijxɔ ja Espírítu Santu ko wá'ats yɔ'u,  
ijxɔdɔ ja ánkłusɔty,  
yajnimaydyák mɔ naxwíñɔdɔ ja'ayɔty,  
mɔbɔjkdɔ ja'ay yɔ naxwiíñ,  
ya''axajɔ jam tsajpótm.

#### Di'ibɔ myatstúttup ja mɔbɔjkn

**4** <sup>1</sup>Per ja Espírítu Santu xytyuknija'am wá'atsti'knɔ ko mɔ naty ja tiempɔ ttimpatnɔ mɔ jyɔmbita'añ Nindsun'ajtɔm, naagɔty ñika'agándɔp ja myɔbɔjknɔty es tpanɔjxa'añ ja ɔxpɔjkn di'ibɔ miimp mɔ ja ka'oybyɔ di'ibɔ win'ɔ'undɔp. <sup>2</sup>Ja'a myɔmɔdowándɔp ja ja'ay di'ibɔ nay'andíjɔdɔp jyiky'attu tɔy'ajtɔn mɔut, di'ibɔ kyaj tnakyjyáwɔdɔ es 'yaxɔgɔty ko pyekytyundɔ, ɛxtɔmxyɔp tɔ tyooydyugooyñ jyot wyinmá'añ mɔt tu'ugu pujxɔ jantsy ambɔ. <sup>3</sup>Tyáɔ win'ɔ'ambɔ kyaj tkupáktɔ es pún pyák 'yuugɔt, es nandɔ'ɔn jyɔna'andɔ ko taa je'xy di'ibɔ kyaj yajjɔ'xɔt, oy ja Dios tɔpɔjtákyɔ tyáɔ je'xy es tɔj'xɔt ja myɔbɔjknɔty es di'ibáty ñija'adɔp ja tɔy'ajtɔn, es tɔj'aygyɔdɔ'áktɔt ja Dios. <sup>4</sup>Pes tɔgekyɔ di'ibɔ Dios pyújták, oy yɔ'u es kyaj ɔdsajtɔm n'ɔxtíjɔm ni tii pɔn n'axájɔm es nɔj'aygyɔdákɔm ja Dios, <sup>5</sup>mɔt ko dɔ'ɔn ja Diosɔ 'yayuk es ja kajxtákɔn pyújtákyɔ wá'ats.

#### Jesukristu 'yoymyɔduumbɔ

<sup>6</sup>Pɔn mduk'ɔxpɔjkyɔ tyáɔdɔ ja nmɔgu'uk'ajtɔm, mijtsɔ dɔ'ɔn tu'ugu oybyɔ myɔduumbɔ Jesukristu, es m'uts mjotkdá'agɔp mɔt ja mɔbɔjkn es mɔt ja oybyɔ ɔxpɔjkn di'ibɔ mbadiimpɔ. <sup>7</sup>Per katɔ xytyuñɔ kwentɔ lyokɔ winmá'añty es di'ibɔ jeky myadyáktɔp nan nɔgoobɔ. Nik naybyajta'agɔdɔ amumdu'uk jot xymyudúnɔt ja Dios. <sup>8</sup>Pes je'eyɔ waanɔ ttuk'oy'aty ja nini'x kɔbajk ko nyaj'yúngɔm, per di'ibɔ sitɔy waanɔ ni'igɔ nduk'oy'ajtɔm ko n'awdajtɔm ja Dios es nmɔdu'unɔm. Taadɔ dɔ'ɔn tsobatp mɔ tyáɔdɔ jiky'ajtɔn di'ibɔ tyam es nandɔ'ɔn mɔ tadɔ jiky'ajtɔn di'ibɔ miimp. <sup>9</sup>Tyáɔdɔ dɔ'ɔn jantsy tɔy'ajtɔnɔ'u, es nidɔgekyɔ tmɔbáktɔt. <sup>10</sup>Tyáɔdɔkyɔjxɔm dɔ'ɔn ndu'unɔm ja delijensɔ es nmɔmadákɔm, mɔt ko tɔ nnygyuyajkɔm mɔ Diosɔ jiikyɔpyɔ, di'ibɔ tɔ ttuknibɔjtaagɔ ja nitsokɔn mɔt nidɔgekyɔ ja'ayty, es waanɔ ni'igɔ di'ibɔ myɔbɔjknɔp.

<sup>11</sup>Kajxwá'x es ya'ɔxpɔk tɔgekyɔ tyáɔdɔ. <sup>12</sup>Exkɔm pún mdukxi'igɔdɔ mɔt ko mwimbu'udsutyñɔm; ja'a dɔ'ɔn myákɔp ja ijxpajtɔn mɔt ja di'ibáty myɔbɔjknɔt ja Jesukristu, ɛxtɔm mij ja m'ayuk, ɛxtɔm mnayya'ityɔty mɔt ja tsojkn, ɛxtɔm mnayya'ityɔty mɔt ja mɔbɔjkn, es extɔm ja mjiky'aty wá'ats. <sup>13</sup>Maanɔmts ɔj ngajá'ty, tukwingugajxɔdɔ es kajxwá'x ja Diosɔ jyaaybyajtɔn, es xya'ɔxpáktɔ. <sup>14</sup>Jajtún ja madakɔn di'ibɔ Dios mmooyɔ ko ja mɔjja'aydyujkty dyajnáxtɔ ja Diosɔ 'yayuk, tɔpɔjtáktɔ ja kyɔ'u mɔ mij es mgunu'xɔ.

<sup>15</sup>Tyam yajtún tugekyu di'ibu Dios mmooyu, es du'un tugekyu mbaat t'ixtu ko mij xyajmuj xyajmayu ko xytyuñ éxtum ja Dios ttseky. <sup>16</sup>Kwentu'at ja mjiky'ajtun es ja m'uxpukun. Du'uñumu du'un xytyúnat, es du'un nujx mnitse'eky es nandu'un di'ibáty mmumudoojudap.

### Wi'ixu Timotee jya'ay'átut ma ja mubujkputujk

**5** <sup>1</sup>Katu xy'ooy xya'axy ja muija'ay yedyujkuty; ni'igu xykajxwíjút éxtumxyup yu'u xytyeety'áty. Mudat yajxón yu uná'ktujkuty éxtumxyup xymyuga'ax'áty. <sup>2</sup>Mudat yajxón yu muija'aydyoxytyujkuty éxtumu mdaagu'unk, esu uná'ktoxytyujkuty éxtumu mmuga'axun, mat winu oyjyot.

<sup>3</sup>Pudaku ja ku'ekytyo'oxyuty di'ibu dun sitay tugoy'ajtxudap. <sup>4</sup>Pun jaa ku'ekytyo'oxy di'ibu myudajtypy ja 'yu'unk o 'yok, tadu u'unk ok yu'u dun jawyiin pyudákup ja tyaaak o ja ñanitü, es du'un tkuydyúnat éxtum pyaadyuty mat nandu'un ja fyamilyu, dya'ixut ko tmay'ajnjáwu tugekyu di'ibu tyaaak tyeety tyuundu mat yu'uguyjxmuty, mat ko du'unu dun ttseky ja Dios.

<sup>5</sup>Ja ku'ekytyo'oxy di'ibu sitay tu wye'emy kujm adu'uk, yu'ayü 'yaa'ajty jyot'ajtypy ja Dios, kyaj tmabe'xy es kyajxta'agut es t'amdow tpujksówut ja Dios xuuñ koots. <sup>6</sup>Per ja ku'ekytyo'oxy di'ibu winma'añdyugeepy es je'eyu tyaku xik xoombu, du'unu'u éxtumu o'kpu oy jyajiky'átyñam. <sup>7</sup>Tuk'ana'am tugekyu tyaadu nandu'un, kudiibu tii yajtukpeky'ixtut. <sup>8</sup>Pes pun ja pún kyaj ñaydyukjotmaydyúñaty ja myugu'uktujkuty, o waanu ni'igu yu ky'um familyu, tuu dun t'uxtijy ja mubujkun es waanu axuuk yu'u wye'emy kudiinam ja di'ibu kyaj tmabeky, ja'a ko yu'u jotmayduunap ja myugu'uguty.

<sup>9</sup>Yu'ayü mgujáyup ja ku'ekytyo'oxy di'ibu tu tyuga'pxnajxnu jyumujt es di'ibu tu pyeky tugok je'eyu, <sup>10</sup>di'ibu oy yajnija'ap ko tu 'yoyjya'ay'áty, ko tu yajxón tnu'umo'oy ttu'umo'oy ja 'yu'unk 'yuna'k, ko tsuj tu tmudaty ja jyabyaat jyabye'xy ma ja tyujk, ko tu ttekypyujy ja Diosu jya'ayuty, ko tu tpuudaku di'ibu ayoo jottugoodyup, ja'a ko oydyi'ibuty ti tu ttuñ ja oybyu.

<sup>11</sup>Per katu xkyupeky yajkujáyut ja ku'ekytyo'oxyu kujk uná'kpu es dyákut ja naybyudaku. Mat ko wyinma'añ myínat es pyuka'andut jatugok, ta nujx tmastu'uttu wi'ix tmudúnat ja Kristu, <sup>12</sup>es du'un ñayyajpekyky'a'adu mat ko kyaj Kristu t'okmudunánudu éxtum tu ñaywyanda'agudu. <sup>13</sup>Waanu ni'igu jyudittu wyinjuun wyindujk, oytyiity ttuktuk ttukkajxudu es nūgoo ñakumadyaagudu. Ta jyumbijnudu nuux; es kyaj ñuuxuty je'eyu, nandu'un 'yabi'ts'áttu, nūgoo oytyiity tnamadya'aktu di'ibu kyaj pyaadyuty es tmadya'aktut. <sup>14</sup>Paaty ndsejpyuats esu ku'ekytyo'oxy di'ibu kujk uná'kpu pyúkat, es tmudátut ja 'yu'unk 'yuna'kuty, es t'a'u'uiñ t'adsuunat ja jyuan tyujk, kudiibu tlugaarmo'oyut ja nmudsip'ajtum es ñibi'ts'úw ñibi'tskajxudat. <sup>15</sup>Pes naaguty ja ku'ekytyo'oxyu du'ambu éxtumu taadu tu wyinma'añdyugódyu. Paaty ñaydyukpawitsy ñaydyukpabo'odyuty ja ka'oybyu.

<sup>16</sup>Pun jaa toxytyujk di'ibu myubejkyty ja Jesús es tmudaty ma tyujk ku'ekytyo'oxy, wa'an ku'um tpuudaku, es kyaj tna'ixut es jyatyim'yajpudákut ma ja mubujkputujk; pes du'un mbaat ja mubujkputujk tpuudáku ja ku'ekytyo'oxy di'ibu sitay ni tii tkamudaty tkajaygyepy.

<sup>17</sup>Yu majja'ayuty di'ibu tuundap majatyu mabujkputujk ñaymyúkudu, pátap ja windsu'kun esu pudujkun, es waanu ni'igu púnaty kyajxwa'xtap esu ja'ay ttuk'ixtu ja Diosu 'yayuk. <sup>18</sup>Pes ja Diosu jyaabyajtun jyuna'añ: "Katu xypyujta'aky ja 'yajjiidsu noviiu ma twindeeñ ja triigu." Es nandu'un jatuk peky jyuna'añ: "Yu muduumbu pátap yu myuju'uñ."

<sup>19</sup>Es ja majja'ayuty di'ibu tuundap ma ja mabujkputujk ñaymyúkudu, katu xkyupeky es yajni'uunut pan kyaj kyuxe'eky majtsk o tugaak di'ibu ñikajxpáttap. <sup>20</sup>Per pan tuya'ajtun ko tmudaty ja peky oypyúnaty, win'oo mayjya'ayóty ma mabujkputujk ñaymyúkudu, es du'un ja wiingátypu tráktudu kwentu kudiibu du'un nandu'un 'yadu'utstat.

<sup>21</sup>Yixypy myudeepy ja Dios esu Nindsun'ajtam Jesukristu mut ja 'yánklusadyu wyinwitsypyu, ko nduknipekyu tyadu uxpujkan es xypyadúnut du'añam mut ja oyjyotkyujxm, es kyaj win'ixy wingexy. <sup>22</sup>Ko xywyin'ixa'anut naak di'ibu ana'amap ma mabujkputujk ñaymyúkudu, jawyiin xy'ixut wi'ix jyiky'aty, du'un éxtum ngajxwiji, mut ko pan mbujtákyu tu'uk di'ibu axuuk jiky'ajtp, nan mmudajtypu du'un ja peky. Exkam mbekykya'a.

<sup>23</sup>Es mut ko janaam jatsojk mjotpékyuty, kudii xynaky'uugut yu'uyu wa'ats nuu, uuk nandu'un oynu'unanu vina éxtuma jottsooy.

<sup>24</sup>Pes yu ja'ayudyu pyojpu naaguty byeen tyimniguxe'egyuty es ñija'adap ja ja'ay ko yajtukmudowándap, per naaguty ja ja'ayudyu pyojputy jaanum ya'ixy óknam. <sup>25</sup>Nandu'un oy kyuxe'eky ko ja oybyu yajtún; es di'ibáty kyaj 'yóyuty, kyaj mbaat wye'emy ayu'udsyu.

**6** <sup>1</sup>Nidagekyu di'ibu po'oduumba'ajttap, yajxon tmay'at twindsu'ugudut ja wyindsúnaty, kudiibu yajmugoy'áw yajmugoygyajxut ja Dios es ja n'uxpujkan'ajtam. <sup>2</sup>Es pan yu po'oduumbu yu'u wyindsun'ajttap ja Dios muduumbaty, ni'igu waanu oy tmudúnut mut ko tmamabujkpu'attu. Tuk'uxpak es kajxwa'xu du'un.

### Tuy'ajtunbu namyudunu

<sup>3</sup>Pan ja pan dya'uxpeky di'ibu kyaj 'yóyuty es kyaj ñejxy ti'igyu mut ja Nindsun'ajtam Jesukristu 'yuxpujkana oybyu di'ibu ngajxwa'xum, <sup>4</sup>taadu naymyujpajtákap es ni ti tjagyuku. Yu'uyu du'un wyinma'añ'ajtypy tmadya'aga'añ yu axuk winma'añ. Es ma yu tyaadu myiñ ja naywyinnaxuja'ak, naymyudsip'ajtuk, kanaydyukma'ijxuk tii, naydyukwin'ijx naydyukjuj'ijxuk tii, <sup>5</sup>esu yajnaydsyi'k yajnaygyojxuk, kyaj jyotxaamdu. Tadu ja'ayuty kyaj 'yóyuty ja jyot wyinma'añ es kyaj tnijawu ja tuy'ajtun, jyuna'andu ko yu n'uxpujkan'ajtam yu'u du'un ma yajganaraty ja oy'ajtun. Mastu'udu tadu di'ibu du'unu wyinma'añ. <sup>6</sup>Tuy'ajtunu'u ko di'ibu nmabujkam, yu'u du'un yajkyu ja oy'ajtun ko ja'ay ttukjotkuda'aky di'ibu myudajtypy. <sup>7</sup>Pes ni ti oj ngamami'inum naxwiñ, es nan ni ti ngamunuxja'anum ko n'o'kum. <sup>8</sup>Per pan yaa nmudajtam ja ka'ay ukun es ja wit nijam, mut yu'uyu tyadu njotkujk'ajtam. <sup>9</sup>Peru di'ibu wyinma'añ'ajtypy ñayyajmakja'aydya'aga'añuty, kyaj tsyíputy kya'at pekyoty. Ja'a myudajtypy maylyoku winma'añ es di'ibu ja'ay yajpekytyuunap, es du'un dyajnujxut es dyajtugóyut. <sup>10</sup>Ja'a ko ja'ay t'adsoktu meeñ, yu'u du'un yajmiimpy

oytyim di'ibu axuk'ajtanuty; es ta naak, mut ko 'yadsoktu, tu tmastu'uttu ja Nindsun'ajtam Jesukristu es nugoó ñayya'ayówudu ma jyiky'attu.

**Timotee ya'anmaay es amumdu'uk jot tpanujxut ja mubujkun**

<sup>11</sup>Per mij Timotee, Dios m'u'unk'ajtap, kuka'ak tugekyu tyadu axuk'ajtan. Jiky'at mut ja tuy'ajtan es éxtum Dios ttekyu, mudu mubujkun, mudu tsojken, mudu ma'xtujken, mudu yuunk'ajt naxypu'ajtan. <sup>12</sup>Panujx tugekyu amumdu'uk jot ja mubujkun, es windumbak ja jiky'ajtanu winu xuu winu tiempu, pesu tyadu du'an ja Dios mduknioojudu es tu mnayyajnide'xyuty mut ja mmubujkun mayjya'aywyindum. <sup>13</sup>Dios, di'ibu myeepy ja jiky'ajtan tugekyu di'ibu jaa ijtp, esu Jesukristu, di'ibu kyajxtudák oy Ponsu Pilatu wyindum, ja'a ñija'adap ko tyam nduknipeky <sup>14</sup>es xykyudyúnat di'ibu nduknipejkyu. Katu xywyijtstugátsy es kudiibu myajpeky'ixut, es tun du'an exta ko myínat ja Nindsun'ajtam Jesukristu, <sup>15</sup>ko du'an jyat kyabátat éxtum ttuknibujtáku ja Dios, di'ibu ti'igyu kuni'xy Dios'ajtp, Rey'ajtp ma réyuty es Windsun'ajtp ma windsánuty, <sup>16</sup>di'ibu tu'uk kyaj 'yeeky, di'ibu jiky'ajtp ma ja jajun ma ni pún mbaat kyamwingónuty, ni tu'ugu ja'ay kya'ixyuty, es ni mbaat tka'ixy. ¡May'ajt windsu'kun es muk'ajtan muut ja Dios winu xuu winu tiempu 'yítat! Wa'an du'anuty.

<sup>17</sup>Uwij kajxwuj ja mukja'aydyujkuty ko katu nugoó myuj pyadudu es kyaj je'eyu tjomto'oyut ja mukja'ay'át, mut ko kujx najxpu'a. Wa'an ni'igu tpujta'aky ja wyinma'añ ma Dios, di'ibu jiky'ajtp es xymyo'oyam tugekyu mujwiin kyajaa es njotkujk'ajtam. <sup>18</sup>Tuk'ana'amdu es ttúndat di'ibu du'an oy. Wa'an nayyajmukja'aydyagudu mut ja oybyu tuunk, es dyajwa'xa'anat di'ibu myudajt jyagyajtp. <sup>19</sup>Es ko du'an ttúnat, ñapatypy éxtum ttukjujp'ixy ja jyiky'ajtan di'ibu miimp óknun, es du'an 'yaxájur ja jiky'ajtan di'ibu tuy'ajtanbu.

<sup>20</sup>Timotee, padún ja xpujken di'ibu tu xy'axaju. Katu xymyudoogúku yu naxwíñudu ja'ayu lyoku winma'añ, ni di'ibu myadyakmujktap di'ibu nugoobu tyijtp wjy'ajtan. <sup>21</sup>Pes naaguty di'ibu pyanujxtubu tyadu winma'añ, tu tmastu'uttu ja mubujkun.

Wa'an Dios mgunu'xudu nidugékyuty.